

FELIPE EJ LO IAĻ EO

Jān Megan Roxas

(Pedped ioon juon bwebwenato emool)



Philippines elōñļok jān 7,600 āne ko!



Laļ en ej jikin 70% in menin eddōk im menin mour ko ilo laļ in.



Ejjab to Philippines enaaj wōr ruwalitōk tampeļ ko ie.

Felipe ekar jeļā ekar boñļok. Bao ko raar bōjrak aer jañ, im jidjid ko ekar ļap aer aliñurñur. E im jinen raar etetal ilo wōjke ko eļapļok jān ruo awa ko. Bōtaab kajjojo iaļ raar bōke raar eier wōt juon āinwōt eo mōktaļok. Raar lukkuun in jōbwābwe.

Felipe ekar juino lukkuun kor. Ewi aitokan aer maroñ mour ilo jañkōļ in? Ekar 10 wōt iiō rūtoon ālkin men otemjej. Ekar jab lukkuun rūtto ñan ire ippān juon jineek ak juon boar awia! Im ta eo menin mour ko jet rekaamijak remaroñ in kappok ñan kak-kure ālkin an tulok aļ? Ļōmņak eo ekar kōmņan menin an leļñō.

Kwon peran, ekar jiroñ e make. Ekar jeļā ej aikuj in kar.

Felipe ekar kōņaan bwe jemen en kar pād ijo. Bōtaab ekar mej jiljino allōñ ko remootļok. Ilo an jako, men ko raar pen ñan Felipe im jinen. Ekar maat aer jāān im mōñā.

Felipe ekar kōjatdikdik remaroñ tōparļok mņweo imōn lio jein iturejet eo juon in toļ eo ilo iien eo emōkaj. Liin emaroñ in leļok ñan er jet jāān ñan wia rice.

Ekar kōmņane juon jar ilo būruōn. "Jema Ilañ, jouj im jipañ kōm lo iaļ eo am. *Jouj*."

Innām juon ļōmņak ekar itok ñan e: *Pukōt ni wōjke ko*. Felipe ekar reilōñļok. Euweo, ilo ettoļok, ekar juon bukin wōjke ni ko. Emaroñ in kar lo er ilōñ in aolepān jañkōļ eo. Kimej ko aer rej emakūtūt ilo kōto. Ejkab kein kajuon ilo awa ko, Felipe ekar eñjake kōjatdikdik.

"Lale!" Ekar jitōñļok wōjke ko.


Jinen ekar meļeļe. Wōjke ni ko kar meļeļe in juon bukwōn ekar epaak. Anij ekar uwaake jar eo an Felipe. Felipe ekar jibwe pein jinen. Ippān doon raar etetal ñan kōjparok ke aļ eo ej jako-ļok ilaļ in wōjke ko.



Felipe im lio pāleen raar kakonkoñ jāān iumwin juon iiō bwe ren maroñ etal ñan tampeļ ñan kar liāp.



Emņan eņod ippān Felipe.



Felipe im lio pāleen, Cora, ewōr 4 nejierro im 10 jibūwerro.



"Jouj im jipan kōn lo iaļ eo am," Felipe ekar jar.

Felipe ekar aolep iien keeme-mej ekōjkan an Anij kar uwaake jar eo an. Jet iien ekar kōņaan bwe en emņanļok an roñ aini-kien Anij āinwōt an kar ilo boñōn eo ilo jañkōļ eo.

Innām juon raan, ruwalitōk iiō ko tokālik, Felipe ekar ioon jet mijenede ro. Raar itok jān Kabuñ eo an Jisōs Kraist im Armej ro Rekwojarjar ilo Raan-ko Āliktata. Raar katakin e kōn rikanaan ro remour, eo ekar kōnono naan ko an Anij. Menin ekar ta eo Felipe ekar kōjatdikdik kake!

Felipe ekar itok limo in kobatok ilo Kabuñ in. Ekar erom juon iaan mijenede ro mōktata jān Philippi-nes ñan kwaļok gospel eo ijōņ. Bar juon alen, Anij ekar kwaļok ñan Felipe ia eo ñan etal—im Felipe ekar jeļā iien otemjej Anij enaaj. ●

